

Zbirka medijskih objava
Grad_Prijedor_kliping_dnevno,
za razdoblje 18. 6. 2017

Broj objava: 2

Štampa: 2

Teme praćenja:

Grad Prijedor: 2

Gradonačelnik Prijedora: 0

Štampa	Naslov	Sva tri ukradena vozila nađena		
Serijski br. 1	Medij; Doseg	Oslobodjenje; , Bosna i Hercegovina	Stranica: 15	Površina: 359 cm ²
	Rubrika, Datum	Crna hronika; 18. 6. 2017		
Stranica u zbirci: 3	Autor	Pavlović Dragan		
	Teme	Grad Prijedor		

Štampa	Naslov	U dvije godine BiH napustilo 1000 liječnika		
Serijski br. 2	Medij; Doseg	Večernji list; , Bosna i Hercegovina	Stranica: 2	Površina: 165 cm ²
	Rubrika, Datum	Aktualno; 18. 6. 2017		
Stranica u zbirci: 4	Autor	Karačić Marko		
	Teme	Grad Prijedor		



Sva tri ukradena vozila nađena

U maju u **Prijedoru** evidentirano 81 krivično djelo, od čega je 41 krivično djelo, odnosno 50,6 posto izvršeno po nepoznatom izvršiocu

U maju su evidentirana četiri krivična djela protiv života i tijela, od kojih je jedno dvostruko ubistvo počinjeno u Jakupovićima, po poznatom izvršiocu, rekao je na konferenciji za novinare Dalibor Ivanić, načelnik Policijske uprave **Prijedor**.

Nož i sjekira

Podsjetimo, 27. maja Alija Hrustić (1969) iz **Prijedora nožem** i sjekirom ubio je svoju suprugu Azru Hrustić (1982) i Envera Halilagića (1976) iz Bihaća u mjestu Kevljani - Srednji Jakupovci, kod **Prijedora**. Bračni par Hrustić je bio u brakorazvodnoj parnici i nije proteklih mjeseci živio zajedno, a Halilagića je zatekao u kući.

U ovom periodu evidentirana su 44 krivična djela protiv imovine. Krađa je evidentirano 28 ili 22,2 manje u odnosu na isti period prošle godine.

Tokom realizacije akcije kodnog naziva TAXI, rasvijetljeno je 12 krivičnih djela te otkriveno osam počinihaca. Materijalna šteta nastala izvršenjem ovih krivičnih djela iznosi preko 25.000 KM. Razbojništva u maju ove godine nije bilo, ističu iz PU **Prijedor**.

U maju su evidentirane i tri teške krađe vozila. Sva tri djela počinjena su po nepoznatom počiniocu, no ipak su rasvijetljena, a ukradena vo-

zila su pronađena.

U ovom periodu evidentirano je ukupno 81 krivično djelo (za 9 manje), od čega je 41 krivično djelo, odnosno 50,6 posto izvršeno po nepoznatom izvršiocu. Rasvijetljenost krivičnih djela po nepoznatom počiniocu iznosi 75, dok ukupna rasvijetljenost krivičnih djela iznosi 86,4 posto.

Iz oblasti javnog reda i mira evidentirano je ukupno 48 prekršaja, što je za devet prekršaja manje u odnosu na isti period prethodne godine.

"Policijski službenici ove uprave kontinuirano sprovode preventivne aktivnosti u cilju sprečavanja dešavanja incidenata motivisanih mržnjom, a u pogledu turističke sezone i dolaska većeg broja građana iz inostranstva, sprovode se planske aktivnosti prevencije i represije javnih oblika prosjačenja", navode iz policije.

Tokom maja nastavljena je realizacija akcija Tabacco i Uplatnica. Akcijom Tabacco pronađeno je i oduzeto 13 kg rezanog duhana i 1.100 kutija cigareta bez akciznih markica. Akcija Uplatnica rezultirala je podnošenjem izvještaja protiv 1 lica za počinjena 2 krivična djela iz oblasti privrednog kriminaliteta.

Pijani vozači

Kada je u pitanju bezbjednost saobraćaja, evidentirano je 2.217 prekršaja, dok je broj saobraćajnih nezgoda u posmatranom periodu isti kao i prošle godine (63).

Saobraćajnih nezgoda sa smrtno stradalim licima nije bilo, a prošle godine u istom periodu su bile dvije.

Iz saobraćaja su isključena 204 vozača, od čega 155 zbog upravljanja vozilom pod dejstvom alkohola, dok je zbog upravljanja vozilom prije sticanja prava na upravljanje isključeno 46 vozača, naveli su iz policije.

DRAGAN PAVLOVIĆ

Alija Hrustić iz

Prijedora nožem

i sjekirom 27.

maja ubio je svoju

suprugu Azru

Hrustić i Envera

Halilagića iz Bihaća


u mjestu Kevljani -

Srednji Jakupovci,

kod **Prijedora**



Dalibor Ivanić, načelnik PU **Prijedor**: Evidentirana 44 djela protiv imovine



Alarmantno

U dvije godine BiH napustilo 1000 liječnika

Većina liječnika koji su otišli iz Bosne i Hercegovine bili su mladi i perspektivni kadrovi. Trend će se nastaviti i u idućim godinama

Marko Karačić

bih@vecernji.net

MOSTAR

Zdravstvene ustanove Republike Srpske napustilo je 20 doktora medicine, tvrdi resorni ministar Dragan Bogdanić, dok iz strukovnog sindikata upozoravaju da je u zadnjih četiri-pet godina iz RS otišlo više od 350 liječnika. Bogdanić je podatak o odlasku svega 20 doktora iz RS naveo u pisanom odgovoru na pitanje zastupnika SNSD-a u entitetskom parlamentu Veljka Marića, ali nije precizirao na koje razdoblje se odnosi. Pozvao se na podatke iz bolnica u RS-u, po kojima je najviše liječnika otišlo iz Univerzitetsko kliničkog centra RS-a u Banjoj Luci - ukupno osam. Bijeljinsku bolni-

cu napustila su četiri doktora medicine, **prijedorsku** tri, zvrničku dva, a po jedan liječnik napustio je bolnice u Doboju, Istočnom Sarajevu te psihijatrijsku bolnicu na Sokocu, ali ministar zdravlja RS-a nije naveo u kojem razdoblju. Radilo se, dodao je, o liječnicima koji su imali stalni radni odnos u navedenim medicinskim ustanovama u RS-u. Predsjednik strukovnog sindikata doktora medicine RS-a dr. Miodrag Femić izjavio je za Fenu da je, nažalost, realnost mnogo drugačija od one koju navodi ministar Bogdanić te kako je veliki broj liječnika otišao kako iz domova zdravlja, tako i bolnica, a pogotovo mladi kadar. Upozorava da RS ostaje bez najboljih i najstručnijih ljudi u zdravstvu te dodaje, ako je ministar mislio da je tih 20 doktora medicine otišlo ove godine, onda prihvaća taj podatak. - Odlazak medicinskog kadra iz RS je negativna konotacija rada ministra zdravlja i stoga on iznosi podat-

Trend iseljavanja liječnika je postao toliko jak, pitanje je hoće li pojedine bolnice za nekoliko godina moći formirati smjene i dežurstva

ke koji nisu alarmantni da ne dovede u pitanje svoj rad - ističe Femić. Resornog ministra RS-a, ukazuje Femić, demantira i njegov federalni kolega, koji je nekoliko puta naveo egzaktnu podatke, koji govore da je i iz RS i Federacije BiH otišao ogroman broj mladih liječnika i da odlaze svakodnevno. - To se najlakše može vidjeti uvidom u statistiku Zavoda za zapošljavanje i na društvenim mrežama, gdje su informacije o liječnicima koji su već otišli iz RS i prave mjesto za svoje kolege da dođu i rade u drugim zemljama - rekao je Femić. Prema dostupnim podacima iz Federacije BiH u dvoje godine je otišlo oko 650 liječnika. To znači kako je BiH u samo dvije godine otišlo 1000, uglavnom mladih medicinskih stručnjaka. Da stvar bude još gora, stručnjaci tvrde kako nas čeka najveći val odlazaka ovoga kadra iz Bosne i Hercegovine. Pitanje je tko će ostati raditi u bh. bolnicama. ●